

**ZAPISNIK SA 51. SJEDNICE UO SAMOSTALNOG SINDIKATA RADNIKA U BHRT-u,  
KOJA JE ODRŽANA U ČETVRTAK 21.02.2019. GODINE**

**Prisutni:** D.Smital; E. Čengić; Dž. Kahrica; G.Brkić; M.Grbo; N. Žuga; M.Herac; D.Miljević; E. Fočo; M. Baručija; N. Arnautović; E.Agić; M. K. Pašalić

**Odsutni:** B.Hamzagić, O.Bukić; - N.Hodžić; - **opravdano**

Dnevni red:

1. Zapisnik sa 50. sjednice
2. Aktuelna situacija u BHRT-u
3. Skupština
  - Organizacija Skupštine
4. Rad Upravnog odbora
  - Izmjene Poslovnika o radu UO
5. 8. mart
6. Finansije (D. Karšić)
7. Ugovori
  - Adriatic
8. Dodjela pomoći (N. Žuga, G. Brkić, M. Grbo)
9. Razno
  - Dopis predstavnika Voznog parka

**AD 1.** D.Smital je na osnovu člana 35. Statuta Samostalnog sindikata radnika u BHRT-u, otvorio 51. sjednicu UO SSR u BHRT-u i predložio dnevni red. Dž.Kahrica je predložio pod tačkom razno dopis predstavnika Voznog parka koji je dobio neposredno prije sjednice UO. Dnevni red je uz prijedlog Dž.Kahrice jednoglasno usvojen. Zapisnik sa 50. sjednice je jednoglasno usvojen.

**AD 2.** D.Smital je izvjestio UO sindikata da je održan sastanak sa menadžmentom na kojem je sindikat dobio informaciju da je naplata takse u januaru 2019 u odnosu na januar 2018.godine manja za nekih 150000 KM. Sindikat je dobio odgovor na dopis koji je upućen u vezi sistematizacije u kojem stoji da se radi na reorganizaciji i da će postupiti po članu 94, konsultovati sindikat u vezi sistematizacije i pravilnika o platama. Na osnovu toga je sindikat poslao upit pravnom zastupniku da li je poslodavac, odnosno BHRT dužan konsultovati reprezentativni sindikat kada donosi Pravilnik o unutrašnjoj organizaciji? Pravni zastupnik Sindikata je dostavio odgovor da se reprezentativni sindikat mora konsultovati po tom pitanju.

Na sastanku sa menadžmentom sindikat je dobio informaciju da će prijedlog reorganizacije biti poslan UO BHRT-a na usvajanje i da će se dostaviti sindikatu ukoliko usvoji UO. U slučaju da sindikat dobije prijedlog reorganizacije, D.Smital je predložio zaključak da se isti dostavi podružnicama na razmatranje i da se podružnicama odredi rok od 30 dana od dana dostavljanja, da dostave svoje mišljenje . Ovaj zaključak je jednoglasno usvojen. Sindikat je ponovno postavio pitanje napredovanja.

Održan je sastanak sindikata sa predstavnicima banke na osnovu upita koji je upućen menadžmentu za kreditni rejting radnika i nemogućnost podizanja kredita. Sindikat je na tom sastanku iznio probleme radnika sa kreditima,kreditnim karticama,limitima. Sindikat je tražio od predstavnika banke da se popravi ukupan kreditni rejting i da se radnici BHRT-a vrate na A kategoriju. Dobili smo informaciju da će se do kraja februara uraditi kompletna analiza poslovanja naše kuće i sredinom aprila mjeseca će se znati detaljnije informacije. Nakon sastanka sindikata sa predstavnicima banke, generalni direktor nas je izvjestio da je obavio razgovor sa direktorom banke i da je tražio da se vrati kreditni rejting radnicima kao što smo imali prije nekoliko godina i ukoliko se ne ispoštuje ova molba, menadžment je spreman i promjeniti banku sa kojom posluje naša kuća.

Postavljeno je ponovno pitanje HTZ opreme i rečeno je da će u naredne dvije sedmice biti raspisan tender. Sindikat je još jednom istakao problem parkinga i menadžment se složio da se taj problem treba riješiti sa dvije rampe i karticama za sve uposlenike RTV Doma.

**AD 3.** D.Smital je uputio dopis advokatu sa pitanjima vezanim za skupštinu sindikata: O mogućnosti produženja mandata postojećeg Upravnog odbora do donošenja rješenja Ministarstva pravde BiH, o mogućnosti da izvršni sekretar bude ovlaštena osoba i mogućnosti formiranja Izvršnog odbora odlukom Skupštine. Advokat sindikata je dostavio odgovor po ovim pitanjima i to: da je moguće produženje mandata postojećeg Upravnog odbora do donošenja rješenja Ministarstva pravde BiH, a da je za druga 2 pitanja potrebno izmijeniti Statut.

O odgovoru advokata D.Smital je obavjestio predsjednika skupštine kao i potpredsjednika i izvršnog sekretara, te je dogovoreno da se prijedlog o izvršnom odboru skine sa dnevnog reda skupštine.

UO Sindikata je jednoglasno usvojio Odluku o organizaciji skupštine.

D.Smital je predložio članovima UO koji će ostati u novom sazivu da funkciju potpredsjednika obavljaju Neda Tadić i Džemal Kahrica a izvršnog sekretara Elvis Čengić. Ovaj prijedlog je obrazložio potrebom donošenja odluke o ovlaštenim osobama na Skupštini. Svi članovi UO koji će ostati u novom sazivu su se saglasili sa ovim prijedlogom D.Smitala.

**AD 4.** UO Sindikata je jednoglasno usvojio izmjene Poslovnika o radu UO.

**AD 5.** D.Smital je izvjestio UO da je izvršni sekretar uputio dopis DM-u za predračun za poklon bonove za 8.mart i sa popustom iznos je 4822,20 KM. UO je jednoglasno donio odluku da se svakoj članici sindikata povodom 8.marta dodijeli poklon bon DM-a u vrijednosti 30 KM.

**AD 6.** Blagajnički izvještaj za januar 2019. godine je primljen k znanju.

**AD 7.** Adriatic izvještaj za januar 2019 je primljen k znanju.

**AD 8.** Komisija za dodjelu finansijske pomoći (G.Brkić, M.Grbo, N. Žuga) predložila je da novčanu pomoć za mjesec februar dobiju sljedeći članovi: Adnan Ibričević 500 KM (III dio), Bilsana Eljšan Gojak 300 KM (III dio), Jusuf Džindo 500 KM (II dio), Behudin Hozo 300 KM. Ukupno 1600 KM.

Prijedlog komisije je jednoglasno usvojen.

**AD 9.** Dž.Kahrica je upoznao UO Sindikata da je neposredno prije sjednice dobio dopis predstavnika voznog parka O.Bukića sa molbom za zakazivanje sastanka sa menadžmentom u vezi poslova postavke kablova na terenima koji sada obavljaju vozači. Dž.Kahrica nije zbog nedostatka vremena održao sastanak Podružnice, pa je predložio da UO odobri zakazivanje sastanka ukoliko Povjereništvo Podružnice Imovina podrži molbu kolega iz voznog parka. Ovaj prijedlog je jednoglasno usvojen.

Izvršni sekretar  
SAMOSTALNOG SINDIKATA  
RADNIKA U BHRT-u  
Elvis Čengić

Predsjednik  
SAMOSTALNOG SINDIKATA  
RADNIKA U BHRT-u  
Damir Smital